
Jestaun Fiskal Ne'ebé Di'ak Liu Bele Promove Kresimentu Ekonomiku Iha Timor-Leste

Relatóriu Foun husu mudansa ba diresaun despeza ida ne'ebé di'ak no sustentavel liu

Dili, 9 Novembru, 2021 – Fo prioridade no hadi'ak qualidade despeza públiku no hasa'e reseita doméstika ne'e krusial atu promove kresimentu ekonomiku ne'ebé inklusivu no sustentavel iha Timor-Leste, haktuir Relatóriu foun banku Mundial ne'ebé maka lansa ohin loron. Despeza ne'ebé di'ak iha area saúde no edukasaun sai hanesan xave, tanba seitores rua ne'e iha papel importante ba dezvoltamentu longu prazu ba Timor-leste iha ninia luta hasoru ki'ak.

Bazeia ba Revizaun Despaza Públiku (PER), enkuantu kresimentu ekonomiku la'o neneik iha dekada kotuk, Timor-Leste dadaun ne'e iha taxa despeza públiku ne'ebé mak a'as liu iha mundu – kuaze pursentu 90 husi PIB. Kolleta Reseita doméstika nian ki'ik ho de'it pursentu 8 husi PIB kompara ho mediu pursentu 15 ba rejiaun. Dezekilibriu iha reseita no despeza ne'e rezulta ona défise orsamental ne'ebé fo ameasa ba sustentabilidade fiskal.

“Relatóriu ne'e mai iha tempu ne'ebé Ministériu Financas mos servisu hela konaba Reforma Jestaun Finanças Públika nian, ne'ebé sai hanesan prioridade xave ida husi Programa Oitavu Governu Konstitusionál nian. Sim, ezersisiu ida ne'e, fo avizu mai ita katak, ita-nia distánsia ba fiscal cliff sei sai badak se despeza públiku Timor-Leste nian kontinua sa'e ho ritmu atual (28% kada tinan), ita sei kontinua atu hela ho défise orsamental ne'ebé bo'ot, ne'ebé fo ameasa ba sustentabilidade fiskal. Realidade ida ne'ebé ohin loron ejizi dezaselersaun significativa iha despeza atuál em vez de invertir tarde liu bainhira rikusoin mina nian sai eskasa ona”, dehan **Rui Augusto Gomes, Ministru Financas, Timor-Leste**

Relatóriu ne'e subliña nesiedade atu hadi'ak qualidade despeza públiku, espesialmente iha area relasionadu ho kapitál umanu. Hasa'e despeza ba saúde no edukasaun iha tinan naruk fó ona possibilidade ba investimentu esensial sira maibé la tradus ba prestasaun servisu ne'ebé maka di'ak liu. Timor-Leste atrazu liu iha rejiaun ho taxa aas ba raes badak infantil no infraestrutura ba qualidade edukasaun nian, maske despeza orsamentariu relativamente aas ho pursentu 7-8 husi PIB. Elaborasaun orsamentu no mobiolizasaun rekursu ne'ebé di'ak liu bele hasa'e rezultadu iha area refere.

“Timor-Leste susesu tebes iha nia kriaun ba Fundu Rikusoin husi ninia rezerva mina & gas sira nian. Maibé, ami-nia revizaun hatudu katak ho padraun despeza hanesan dadaun ne’e, fundu petroliferu bele esgotadu iha dekada ida ne’e nia rohan. Purtantu, importante tebes atu uza nasaun ne’e nia rezerva sira ho kuidadu atu sustenta no diversifika ninia ekonomia no uza ninia reseita sira ho maneira ida ne’ebé efisiente no efikaz” tenik **Bernard Harborne, Representante Banku Mundia ba Timor-Leste.**

Relatóriu ida ne’e halo rezumu ba opsaun polítika sira atu ajuda Timor-Leste hasa’e nia kolleta ba reseitas sira no hasa’e efisiansia husi despeza atu mantein kresimentu ekonomiku ne’ebé sustentavel liu.

Atu hatene liu konaba Revizaun Despeza públiku Timor-Leste (TL-PER) 2021 iha <https://www.worldbank.org/en/news/video/2021/11/07/timor-lesete-public-expenditure-review>

Ba informasaun konaba servisu Grupu Banku Mundial nian iha Timor-Leste, bele vizita: www.worldbank.org/tl

Kontaktu:

Iha Asia Oriental no Pasifiku: : Matt Wilkinson (856) 2091938474, mwilkinson@worldbank.org

Website: www.worldbank.org/timorleste
Facebook: <http://www.facebook.com/worldbank>
Twitter: https://twitter.com/WB_AsiaPacific